



WEEK 2

Ang Salita

NOTES

[illegible]

WARM-UP

- Mahilig ka bang magbasa? Bakit o bakit hindi?
- Naranasan mo na bang maging hindi masunurin sa isang may autoridad? Ibahagi kung ano ang nangyari?
- Balikan ang isang paghamon na iyong pinagdaanan at kung paano ka tinulungan ng isang kaibigan o kamag-anak upang malampasan ito.

WORD

¹Mapalad ang taong hindi namumuhay ayon sa payo ng masasama, o sumusunod sa mali nilang halimbawa, at hindi nakikisama sa mga taong nangungutya. ²Sa halip, nagagalak siyang sumunod sa mga aral na mula sa Panginoon, at araw-gabi ito ay kaniyang pinagbubulay-bulayan. ³Ang katulad niya's isang punongkahoy na itinanim sa tabi ng ilog, na namumunga sa takdang panahon at hindi nalalanta ang mga dahon. Magtatagumpay siya sa anumang kanyang ginagawa. **MGA SALMO 1:1-3**

Makikilala natin ang Diyos sa pamamagitan ng pagbubulay-bulay at pag-aaral ng Kanyang Salita. Sa tuwing ating binabasa ang Bibliya, hinahangad natin ang pakikipag-ugnayan sa Diyos—ibinibigay Niya ang Kanyang Salita at tayo ay tumutugon dito. Ito ang dahilan kung bakit kailangan nating panandaliang huminto upang pag-isipan ang mga nais ipaunawa sa atin ng Banal na Espiritu. Sa gayon, maibibigay natin sa Kanya ang nararapat na tugon. Sa araling ito, ating tatalakayin kung ano ang maaaring mangyari kung ating ikalulugod at gagawing disiplina ang araw-araw na pagbabasa at pagsunod sa Salita ng Diyos.

1 Tayo ay magiging malusog.

Ang katulad niya'y isang punongkahoy na itinanim sa tabi ng ilog . . .
MGA SALMO 1:3

Ang punongkahoy na nakatanim sa tabi ng ilog ay malusog. Ang dahon nito ay hindi nalalanta at hindi ito mag-aalala maging sa panahon ng tag-tuyot (Jeremias 17:8). Kung ating ilalagay ang Salita ng Diyos sa ating mga puso at susundin ito sa ating mga buhay, ipinangako ng Panginoon na tayo ay magiging katulad ng malusog na punong ito maging sa mga oras ng paghihirap. Ano ang ibig sabihin ng pagiging isang puno na nakatanim sa tabi ng ilog?

2 Tayo ay magiging mabunga.

... na namumunga sa takdang panahon ... **MGA SALMO 1:3**

Ang punongkahoy na malusog ay magbubunga ng prutas sa takdang panahon. Ang pagiging mabunga ay resulta ng pagsunod sa Salita ng Diyos. Ang ilan sa mga palatandaan ng pagiging mabunga ay ang pagpapakita ng bunga ng Banal na Espiritu (Mga Taga-Galacia 5:22) at ang pagdala ng mga tao kay Jesu-Cristo. Paano nakikita sa iyong buhay ang bunga ng pagbabasa at pagsunod sa Salita ng Diyos? Magbigay ng mga halimbawa.

.....

.....

.....

.....

3 Tayo ay magiging masagana.

... Magtatagumpay siya sa anumang kanyang ginagawa. **MGA SALMO 1:3**

Sa ating pagsunod at pagsasapamuhay ng mga katotohanang nakasulat sa Salita ng Diyos, ipinapangako ng Bibliya na tayo ay magkakaroon ng kasaganaan at katagumpayan (Josue 1:8). Ang ipinangako ng Diyos na kalusugan, pagka-mabunga, at kasaganaan ay mapapasa-atin lamang kung ating ikalulugod ang pagbabasa ng Kanyang Salita at kung ating susudin ang mga nakasaad dito. Paano mo nagawang makaugalian ang pagbabasa ng Salita ng Diyos araw-araw at ano ang mga nakita mong bunga nito sa iyong buhay?

.....

.....

.....

.....

APPLICATION

- Ang Bibliya ang pundasyon ng banal na katotohanan. Nagagawa nating maintindihan ang mga katotohanang ito sa pamamagitan ng pagkilala kay Jesu-Kristo na siyang karunungan ng Diyos (1 Corinto 1:24). May nagbahagi na ba sa iyo ng katotohanan tungkol kay Jesu-Kristo? Kung wala pa, kausapin ang isa sa iyong Victory Group na ibahagi sa iyo ang mabuting balita tungkol sa ginawa ni Jesus para sa iyo.
- Paano mo magagawang mapahalagahan ang Salita ng Diyos sa paglipas ng bawat araw? Paano mo magagawang palalimin pa, itong linggong ito, ang iyong pagka-unawa sa Salita ng Diyos? (halimbawa: pagsulat ng iyong mga natutunan sa iyong nabasa, pagsasa-ulo ng Salita ng Diyos, pag-aaral ng isa sa mga aklat sa Bibliya).
- Sino ang maaari mong matulungan itong linggo sa pamamagitan ng pagbibigay ng Salita ng Diyos? Ipanalangin kung ano ang maaari mong sabihin sa taong ito at maniwalang gagamitin ito ng Diyos upang mangusap sa Kanya.

PRAYER

- Pasalamatang ang Diyos sa Kanyang Salita, na buhay at mabisa (Mga Hebreo 4:12). Magpasya na patatagin ang disiplina ng pagbabasa, pag-aaral, at pag-sunod sa Salita ng Diyos.
- Ipanalangin na ikaw ay magiging kagaya ng punongkahoy na tinukoy sa Mga Salmo 1—at na habang ikinalulugod mo ang Salita ng Diyos, ikaw ay magiging malusog, mabunga, at masagana.
- Ipanalangin na ikaw ay maging matapang at buo ang loob sa pagpapahayag ng Salita ng Diyos sa iyong buhay, pamilya, at mga kalagayang kinakaharap. Hingin sa Diyos na gamitin ka upang ibahagi Siya mga tao araw-araw.



VICTORY

© 2015 by VICTORY™

Reserbado ang lahat ng karapatang pag-aari.

Lahat ng sipi ay mula sa ANG SALITA NG DIOS®

Karapatang Pag-aari © 2010 ng Biblica® Ginamit na may pahintulot
mula sa Biblica Publishing & Distribution Foundation, Inc.* Reserbado ang lahat ng pag-aari.
victory.org.ph